

Gálatas

Pablo Galacia majaräre Jesu yaräre gojabeopu

1 ¹⁻² Yuhu Pablo mua Galacia majaräre ipüre gojabeogu iiaa. Yuhu Goamu yare buhedore Jesucristo igu apidi ahraa. Masa ne yure buhedore apibirima. Jesucristopu igu Pagu Goamu mera yure apimi. Goamu ahrimi Jesucristo siridire masudigu. Eropigu yuhu yu mera majara mera Jesucristo yara mera muare oadorea. ³ Goamu mari Pagu mari Opu Jesucristo mera muare oadorea. Igu muare itamuri mera oaro arique mua. ⁴ Jesucristo, igu Pagu Goamu gamediro dopa ta igu, igu basi mari neri iira dipuwaja siribasadigu arimi. Eropiidi arimi i umu majara nero ariricure mari iibiriboro dopa. ⁵ Igu eropiicu iha mari Goamure “Muhu oagu oaro iiaa,” umuri nucu ariro gahmea. Eropa ta iira.

Jesucristo masare igu tauburi yujuñe ta buheriñe ahraa, ari werepu Pablo

⁶ Mua mata Goamu yare duhurã iica. Goamu muare igu yara arimoräre aidigu arimi Jesucristo igu marire siribasara mera. Igu muare eropa aiquerecũ muparu igure duhu gajira ya buherire peenugarã iica. “Gaji ahraa marire tauburi buheri,” era ari werecũ peerã iica mua gajirare. Mua eropiira querere peegu pee uca waha yuhu. ⁷ Opa waro iica mua arirore. Gajira mua pohro eja muare were goroweorã iicoma. “Jesucristo marire taumi,” ari buherire gohrotodiarã, “Gaji ahraa marire tauburi buheri,” ari buherã iicoma muare. Eropigu muare ire werediaca. Gaji buheri marire tauburi buheri marica. ⁸ “Gaji buheri ahraa mari tauburi buheri,” muare ari were goroweoräre Goamu buringã dipuwaja moagu peamegue wadoreporo. Yu basi ta were goroweoçure Goamu yu sare dipuwaja moaporo. Anyu umaro majagu igu eropa buhecũ igu sare dipuwaja moaporo. ⁹ Gua gajisubu arirare dipaturi yuhu werea daja muare. Yujugu muare oari buherire gajiropa buhecũ, gua muare buhediro dopa werebigure igure Goamu buringã dipuwaja moaporo. Peamegue wadoreporo.

¹⁰ Yuhu masare buhegu Goamu gamero dopa ta diaye majare buhea. Masa peesuacũ, peesuabiricũ sare buhea. Eropigu dohpaguere yuhu masa peediari dihtare wereniguibea. Cristo gamero dopa ta buhediacã. Igu pohro majagu oagu aridiagu eropa buhea yuhu.

Pablo ĩġu Jesucristo yare buhebure apirare werepũ

¹¹ Ōpa weregũra muare: Yũhu muare ōari buheri eropa arĩ buhera masa ya pepiri árĩbeaa. ¹² Ne yujungũ masũ iri buherire yũre weredorebirimi. Ne yujungũ masũ yũre buhebirimi iri buherire. Jesucristo ĩġu basi yũre irire masicũ iimi.

¹³ Iribojegue yũ árĩricũrare yũhu judio masa buherire peenũrũrasubu yũ iirare mũa peetuhabu. Yũhu Jesucristo yarũre bũrigã ĩhaturĩgu nũrusiamũribũ erũre ñero iibu. Eropĩgu Jesu yarũre bũrigã ñero iigu erũre wejẽpehocãdiaribũ. ¹⁴ Eropĩgu gua judio masa ya buherire yũ mera masanirã tauro umupeomũricaribũ. Gua ñecu sumarã árĩricũrre bũrigã iimũricaribũ. ¹⁵ Yũ eropa iirisubu ōpa wabu yũre. Goãmũ ĩġu ōaro mahiri mera yũre sihumi pare. ĩġu yũ dehyoaboro coregue beyetuhapũ yũre. ¹⁶ Eropĩgu ĩġu magũre Jesucristore yũre masicũ iimi. ĩġure masicũ iigu yũre judio masa árĩbirũre buhebure apimi. “Jesucristo marire taumi,” arĩ buherire werebure apimi yũre. Eropa Goãmũ yũre masicũ iira pũhrũ gajirũre serẽpigũ wabiribũ. ¹⁷ Jerusalẽngue árĩrũre yũ core Jesu ĩġu apinirã sãre serẽpigũ wabiribũ. Erore eropa wabĩgu Arabia yebaguepũre diaye wabu. Pũhrũguere Damascogue dujaa wabu.

¹⁸ Ũhre bojori pũhrũ Jerusalẽngue wabu. Pedrore ĩagũ wabu. Pe semana ta árĩbũ ĩġu mera. ¹⁹ Gajirã Jesu ĩġu apinirũre ne ĩabiribũ irisubure. Mari Opũ Jesucristo pagũ magũ Santiago dihtare ĩabu. ²⁰ Yũhu muare eropa arĩgu diaye weregũ iiaa. Yũ ōpa arĩrũre Goãmũ masimi. Eropa arĩgu ōpa arĩdiaca muare. Jesucristo dihta yũre masicũ iimi ĩġu buherire.

²¹ Jerusalẽngue árĩra pũhrũ Siria yebague Cilicia yebague ejabũ. ²² Irisubu Judea yeba majarã Jesucristo yarãpũ yũre ĩha masibirima dohpa. ²³ Yũhu Jesucristo yagũ árĩri querere peenirã árĩma. “ĩġu Pablo marire Jesu yarũre ñero iidianũrũ curidigu dohpaguere Jesucristo yare buhegũ ãhrimi. Mari Jesucristore umupeorire dedeodiadigu dohpaguere irire Jesucristore umupeoburire buhegũ wahami,” gajirã erũre eropa arĩ werecũ peenirã árĩma Judea yeba majarã. ²⁴ Eropa peerã Goãmũ mera mucubiriñorã.

Gajirã Jesucristo ĩġu apinirã gameñorã Pablo buherire

2 ¹ Catorce bojori pũhrũ Jerusalẽngue wabu daja. Bernabé wami yũ mera. Tito sãre aĩgãbu. Goãmũ yũre wadoremi Jerusalẽngue. Eropĩgu erogue wabu. ² Eropĩgu erore eja Jesure umupeorã gamenererogue yũhu erã oparãre boje sihuu werebũ erũre. Judio masa árĩbirũre Jesucristo marire tauburi buherire yũ buherare werebũ oparãre. Eropa weregũ erã yũ buherire ōaro masicũ erũre “Ōapũrica,” arĩcũ iidibũ erũre. Erã yũ buherire gamebirã yũ buheri sãre “Waja mariri ãhraa,” arĩbocoma, arĩ pepirabu yũhu. Erã gamema. ³ Eropirã erã Titore ĩġu judio masũ árĩbiriqerregũ ĩġu Jesure umupeogu arĩcũ ĩha erã judio masa dorero dopa iidorebirima ĩġure. Eropirã ĩġure gasiro

merogã wiri aĩdorebirima ĩgũre. ⁴Gajirãpũ Jesure umupeorã gamenererogue ñajajanirãpũ ĩgũre circuncisión gasiro merogã wiri aĩcũ gamerima. Erã Jesure umupeorã gohra áribirima. Erã gũa sihubiriquerẽcũ gũa pohrogue peedurirã ñajajanirã árima. Gũare weresãdiama. “Erã Jesu yarã Moise dorerire iibirã áhřima,” arĩdiama gũare. “Goãmũ pohro wadiarã gũa dorerire iiro gahmea marire,” arĩ dorediarima daja. Gũa Jesucristo yarãpũre Jesucristo tautuhajami gũa Goãmũ mera õaro áriborore. ⁵Eropirã erã eropa gũare dorecũ ĩarã erãre ne yũhřiribũ. Erãre yũhřirã iri Jesucristo marire tauburi buherire queoro buhemasibiriboaya mũare. Eropirã erã dorediarire cãhmotacãbũ.

⁶Eropirã Jesu yarã oparã yũ buherire erãre weretuhajara pũhřũ “Mũ buheri õhaa,” arĩrã, yũ buherire yũre gohrotodiabirima. Gũa judio masa dorerire iiburi sãre buhedorebirima. Erore erã oparãre masa umupeoquerecũ erã iiro dopa iibiribũ. Goãmũ áripehřerãre oparã áriřã sãre bu áriřã sãre yujuropa ta ĩhami. “Erãre beyediro dopa ta yũ sãre Goãmũ beyemi,” arĩ pepibũ. ⁷Eropirã oparã yũ buherire gohrotodiabirã judio masare áribirãre yũ buhe curirare peema. Eropirã yũhũ Jesucristo ĩgũ yare buhebure apidiğũ áriřcũ ĩha masima yũre. Eropirã õpa arĩma yũre: “ĩgũ Goãmũ judio masare iri õari buherire buhebure ĩgũ Pedrore apidiro dopa ta mũ sãre apiñumi. Judio masa áribirãpũre iri buherire buhebure mũre apiñumi,” arĩma yũre. ⁸Eropiğũ ĩgũ Goãmũ Pedrore judio masare buhebure obeodiğũ ta yũ sãre obeomi judio masa áribirãre buhebure.

⁹Eropirã erã oparã Ƴrerã Santiago, Pedro, Ñũ mera yũre ĩha masima. Goãmũ ĩgũ mahiri mera ĩgũ yũre beyediğũ yũ áriřcũ masima. Eropirã yũre Bernabé sãre õaro bocatĩřima. “Eropa ta iirã mari. Mari yujuro mera buherã. Mũarũ judio masa áribirã pohrogue buherã warãca. Gũarũ judio masare buherã warãca,” arĩma yũre Bernabé sãre. ¹⁰“Iri dihta iiro gahmea,” arĩma gũare. “Mojomorocũřãre itamuniguicãro gahmea,” arĩma. “Eropa ta iiaa,” arĩbũ gũa erãre. Eropiğũ eropa ta yũ buhe curirogue Jesu yarã mera niyerure gameneo erã mojomorocũřãre ohaa dohpa.

Antioquíague Pablo Pedrore werepũ ĩgũ õaro iibirirare

¹¹Ero pũhřũ gũa Antioquía macague áriřcũ Pedro curiğũ erami gũa áriřore Jesure umupeorã gamenererogue. Eroque erara pũhřũ Pedro queoro iibiricũ ĩha ĩgũ eropa iira dipuwaja bũřigã werebũ ĩgũre Jesure umupeorã peeuro. ¹²Eropiğũ Pedro Antioquíague ne eragũ gamenere bamũřimi judio masa áribirã Jesure umupeorã mera. Irisubu gajirã judio masa Santiago obeonirã erama. Erã eranirã õpa arĩ pepirã árima. “Áripehřerã Jesure umupeorã judio masa áribirã sã gũa dorerire iiro gahmea Goãmũ erãre õaro ĩaborore. Eropirã áripehřerã judio masa iiro dopa gasiro merogã wiri aĩro gahmea. Eropa áribirã mera babiricãro gahmea,” arĩrã árima eranirãpũ. Eropiğũ Pedro erã eracũ ĩha judio masa áribirãre dũca wami. Erã gasiro merogã wirisũbirinirã áriřcũ erãre dũca wami erã eranirã weresãřire gũiğũ. Erã mera babirimi pare. ¹³ĩgũ eropiicũ ĩha ero majarã gajirã

judio masa erã sã dũca wama judio masa árĩbirãre. Bernabé sã erã iiri queoro árĩbircũ masiqueregũ erãre ihacũ ĩgũ sã dũca wami erãre. ¹⁴Erã eropĩcũ ĩha gamebirigohracãbu yũhũ. Erã judio masa árĩbirãre dũca warã “Jesu dihta marire taumi,” arĩ ĩhmubirima. “Moise doreri sãre umupeoro gahmea,” arĩ ĩhmurima erã judio masa árĩbirãre. Eropĩgũ yũhũ árĩpehrerã Jesure umupeorã peeuro burĩgã arĩbu Pedrore. “Mũhũ judio masũ árĩqueregũ õguere ne eragũ judio masa árĩbirã mera yujuro mera bagũ gũa judio masa árĩricũre guñabirabũ. ¿Duhpĩgũ mũhũ dohpaguere gohrotodiari? ¿Eropĩgũ duhpĩgũ dohpaguere erã judio masa árĩbirãpũre gũa árĩricũre iidorediari?” arĩ werebũ ĩgũre ĩgũ queoro iibirira waja.

Árĩpehrerã Jesure umupeocũ Goãmu taumi erãre, arĩ werepũ Pablo

¹⁵Gũa judio masa porã ãhraa. Eropa árĩrã gajirã Moise dorerire tarĩnũgarã iiro dopa árĩbeaa. ¹⁶Eropa árĩbiriqererã gũa Jesure umupeorã dohpaguere õpa masirã ãhraa. Yujugũ Moise dorerire iicũ Goãmu pohro waburi árĩbeaa. ĩgũ Jesucristore umupeonĩjagũ ĩgũ ñeri iira dipuwajare cãdĩĩsũdigũ wahami. Iri mera dihta õhami Goãmu mera. Eropirã gũa judio masa árĩqererã Goãmu mera õaro árĩmorã Jesucristore umupeobũ. Goãmu mera õaro árĩmorã Moise dorerire iibiribũ. ĩgũ mera õaro árĩmorã gũa dorerire umupeorã Goãmu mera õaro árĩbiriboaya. Eropirã Jesucristore umupeobũ gũa ñeri iira dipuwaja pehrebro dopa.

¹⁷Eropirã gũa Jesucristore umupeori mera gũa Goãmu mera õaro árĩrãca. Eropa Jesucristore umupeorã Moise dorerire iibiriquererã Goãmu dorerire tarĩnũgarã iibeaa. Jesucristo sã Goãmu dorerire tarĩnũgadoregũ ne árĩbeamĩ. ¹⁸Eropĩgũ masare õpa arĩ buhea yũhũ. Goãmu mũare “Õarã ãhrima,” ĩgũ arĩ ĩaboro dopa Jesucristopũre umupeoro gahmea. Eropĩgũ “Mũa Goãmu mera õaro árĩdiarã Moise doreri sãre umupeoro gahmea,” arĩbeaa. Yũhũ Moise dorerire doregũ Goãmu dorerire tarĩnũgagũ árĩboya. ¹⁹Ero corere Moise dorerire iimũriribũ Goãmu mera õaro árĩdiagũ. Eropa iiqueregũ dipuwajacũgũ árĩmũriribũ. Dohpaguere Jesucristo mera dipuwajacũbeaa. Eropĩgũ “Iri Moise dorerire iiro gahmea,” arĩbeaa pare. Eropĩgũ yũhũ Goãmu ĩgũ dorero dopa ta iĩgũ iiaa. ²⁰Jesucristo crusague sĩrigũ yũ ñegũ árĩrãre gohrotodĩgũ árĩmĩ. Eropĩgũ yũ ero coregue árĩdiro dopa árĩbeaa pare. Cristo yũ mera árĩgũ yũre ĩgũ dorerire õaro iimasicũ iimi. Eropĩgũ yũ árĩricũrãre iibeaa. Jesucristo yapũre iiaa. ĩgũ Jesucristo yũre mahitarĩgũ yũre yũ ñero iira dipuwaja sĩribasadi árĩmĩ. Eropĩgũ ĩgũre guñaturagũ ĩgũ dorerire iiaa. ²¹Goãmu mera õaro árĩmorã mari ñecũ sumarã árĩricũre, Moise dorerire iicũ Jesucristo mari ñero iira dipuwaja sĩribasara wajamariboaya. Eropĩgũ ne umupeogũ duhosome “Jesucristo marire taumi,” arĩ buherire.

**Jesucristore umupeori mera Goãmũ marire “Ôarã
ãhrima,” arĩ ìhami, arĩ werepũ Pablo**

3 ¹Mũa pee masibirã ãhraa dohpaguere. Mũare Jesucristo ìgũ basi mari ñeri iira dipuwajare sîribasarare mũare werecũ mũa ôaro ìha masiribũ. ÌMũa eropa ôaro masicũ noa mũare goroweoari dohpaguere iri diaye maja mũa umupeoborañere? ²Eropigũ òpa serêpidiaca mũare. ÌMũa Moise dorerire umupeori mera Espírítu Santo mũare eranũgari? Erabirimi. Mũa “Jesucristo marire taumi,” arĩ buherire peecũ Jesucristore umupeocũ ìgũ Espírítu Santo mũare erami. Ìgũ yarã mũa árimorã áricũ erami. ³ÌMũa duhpirã pee masibirã iiro dopa wahari dohpaguere? Mũa ne Jesucristore umupeorã Espírítu Santo itamuri mera ìgũ yare iimuribũ. ÌEropirã duhpirã dohpaguere mũa turari mera iidiari? ⁴ÌMũa Jesucristo yarã árinũgarã mũa Jesucristore umupeora waja mũa ñero tarirare guñabeari? ÌMũa eropa umupeora “Bu gohra ãhraa,” arĩ pepiri mũa dohpaguere? ⁵Òpa ôaro guñaro gahmea. Goãmũ mũare ìgũ Espírítu Santore odigũ árimi. Espírítu Santo mũa mera árigũ mũa watope deyoro moarire mũare ôarire iimi. Ìgũ eropiigũ Moise dorerire mũa umupeori mera eropa iibeami. Mũa “Jesucristo marire taumi,” arĩ buherire ôaro pee ìgũre umupeocũ eropa iimi.

⁶Gũa judio masa ñecũ Abrahãpũ Goãmũre “Diaye ta árigũ ãhrimi,” arĩ ôaro umupeoñumi. Ìgũ eropa umupeocũ ìha Goãmũ ìgũre “Ñeri dipuwaja marigũ ôagũ ãhrimi,” arĩ ìañumi. ⁷Eropirã òpa masique mũa. Goãmũ òpa arimi: “Áripehrerã masa judio masa áribirã sã Abrahã umupeodiro dopa ta yũre umupeorã Abrahã pãramerã ãhrima. Eropirã yaharã ãhrima,” arimi Goãmũ. ⁸Iribojegue ìrire Goãmũ arĩ wereyutuhanũmi. Ìgũ werepira òpa ãhraa ìgũ yare gojarapũgue: “Áripehrerã masa judio masa áribirã sã yũre umupeorãre ‘Ôarã ãhrima,’ arĩ ìagũca. Ñero iira dipuwaja marirã ìagũca erãre,” arĩñumi. Eropigũ iri ôari buherire Abrahãre arĩ wereyuñumi. “Áripehrerã masa muhũ yũre umupeoro dopa ta yũre umupeocũ ‘Ôarã ãhrima,’ arĩ ìagũca yũhũ erãre. Erãre ôaro ìigũca,” arĩñumi Goãmũ Abrahãre. ⁹Abrahã Goãmũre ìgũ umupeocũ Goãmũ ôaro iinũmi ìgũre. Eropigũ áripehrerã masa mari sã ìgũre umupeocũ Goãmũ ôaro ìigũcumi mari sãre.

¹⁰Gajirã òpa arirã ãhrima. “Moise dorerire ôaro iicũ Goãmũ ‘Ôarã ãhrima,’ arĩ ìagũcumi marire,” arĩrima. Eropa arirã dipuwajacũrã ãhrima dohpa. Goãmũ yare gojarapũgue òpa arĩ werea. “Moise dorerire iirã erã iri dorerire áripehrerire queoro iipehobirã dipuwajacũrã ãhrima,” arĩ gojara ãhraa. Eropirã iri dorerire iipehomasibirira waja dipuwaja moasũmorã ãhrima áripehrerã. ¹¹Ne yujugũre iri dorerire iipeho masiya mara. Eropirã Moise dorerire iiri mera Goãmũ mera ôamasibeama. Òpa arĩ gojañuma Goãmũ yare gojarapũgue. “Ìgũre umupeorãre Goãmũ ‘Ôarã ãhrima,’ arĩ ìhami. Ñero iira dipuwaja marirã ìhami. Eropirã erã ôaro áriniguicãrãcoma Goãmũ mera,” arĩ gojañuma. Eropirã mari masia. Ne yujugũre iri dorerire ìgũ iiri mera Goãmũ ìgũre “Ôagũ ãhrimi,” arĩ ìabeami. Goãmũre umupeogũ dihta ôaro árigũcumi ìgũ mera. ¹²Goãmũre umupeogũpũ, “Goãmũ yũre yũ ñero iira dipuwaja maricũ ìigũcumi,” arimi. Moise dorerire

iigupũ “Yu basi iri dorerire iigu ñero iira dipuwaja mariro ðaro árĩgũca,” arĩrimi. Eropigu ĩgu iri dorerire iipehomasibigu árĩgu ñero iira dipuwajacũgu dujami.

¹³Eropirã mari árĩpeherã iri doreri mera ñero iira dipuwajacurã dujamũribũ. Mari eropa árĩcũ ĩha, Jesucristo mari ñero iira dipuwaja ĩgu basi wajayemi ĩgu crusague sĩrigũ. Goãmu yare gojarapũgue ðpa werea: “Īgu yucũgũgue dirisiudigu Goãmu ĩgu ñero iira dipuwaja moadigu ahrimi,” arĩ gojañuma iribojegue. Eropigu Jesucristore crusague dirisiudigũre mari ñero iira dipuwajapũre Goãmu ĩgũre dipuwaja moadigu árĩmi. Eropirã maripũ ñero iira dipuwaja marirã dujaa pare. ¹⁴Jesucristo eropiicũ Goãmu Abrahãre ðaro ĩadiro dopa ta judio masa árĩbirã sãre ðaro ĩanũgami. Eropigu ĩgu arĩdiro dopa ta ĩgu obeodigu Espĩritu Santopũ erami marire Jesucristore umupearẽ.

Īgu buherare werenemopũ Pablo

¹⁵Mari masa mari iiro dopa ta weremũhtagũra mũare. Perã “Õpa iirãca,” erã arĩ weretamura pũhrũ gajigu gohrotomasibeami. ¹⁶Eropigu Goãmu Abrahã mera weretamura pũhrũ Abrahãre ĩgu arĩrare gohroto masiya mara. Õpa arĩ werepiñumi ĩgũre: “Mũ pãrami árĩturiagu mera árĩpeherã masare ðaro iigũra,” arĩ wereñumi. Eropa arĩgu ĩgu pãramerã árĩturiarãgue mera arĩgu iibiriñumi. Yujugũ ta ĩgu pãrami árĩturiagu dihtare arĩgu iinũmi. Eropa arĩgu ĩgu pãrami árĩturiagu Jesucristo ariburire arĩ wereyugũ iinũmi. ¹⁷Eropigu ðpa arĩ werea mũare: Iribojegue Goãmu Abrahã mera weretamugũ masare ĩgu ðaro iiburire wereñumi. Īgu eropa weretamura pũhrũ yoari boje pũhrũ cuatrocientos treinta bojori árĩturiagu mera árĩpeherã masare ðaro iigũra,” arĩ wereñumi. Eropa arĩgu ĩgu pãramerã árĩturiarãgue mera arĩgu iibiriñumi. Yujugi pũhrũ Moiserẽ ĩgu doreri apiñumi. Moise doreri árĩnũgaquerecũ Goãmu Abrahãre werepira pehrecũ iibiriyoro. ¹⁸Goãmu Abrahãre mahigu ðpa ĩgũre arĩ weretuhãñumi. “Árĩpeherã masare mũ yũre umupearẽ dopa ta yũre umupearẽ ðaro iigũca,” arĩ weretuhãñumi. Eropiro Moise doreri árĩnũgaquerecũ Goãmupũ iri dorerire iiri mera masare taubeami. Moise doreri iiri mera mari taricũ Goãmu mũare “Waja mariro ðaro iig mera arĩgu iibiriñumi. Yujugũca,” ĩgu arĩrapũ duhpihuri árĩbiriboaya.

¹⁹¿Eropigu duhpihurire iri dorerire Moiserẽ apiyuri Goãmu? Masa erã ñerire masiborore apiñumi iri dorerire erã ñero iira dipuwaja masiborore. Abrahã pãrami árĩturiagu Jesucristo ĩgu eracũgue árĩtuya iri doreri. Eropigu Jesucristo ĩgu eracũ Goãmu Abrahãre ĩgu werediropã dopa ta masare ðaro iinũmi. Goãmu iri dorerire apigu anyuare weremũhtañumi. Erã anyua wereñuma Moiserẽ. Īgu Moiserũ masare wereñumi. ²⁰Īgu masare ðaro iiburire Goãmu ĩgu basi ta werepiñumi Abrahãre. Gajirã mera werebeobiriñumi ĩgu iri dorerire apidiropã dopa ta. Eropigu ĩgu Abrahãre werepirapũ Moise doreri tauro ðhaa.

Moise dorerire werepɔ Pablo

²¹Goãmɔ Moisere ïgɔ dorerire apigɔ, ero coregue Abrahãre ïgɔ arĩrare “Yu arĩdiro dopa iisome pare yuhɔ,” arĩgɔ iibiripɔ ïgɔ. Abrahãre ïgɔ arĩmɔhtadiro dopa iibu iipɔ. “Masare òaro iigɔca,” ïgɔ arĩrare iibu iipɔ dohpa. Moise dorerire iiri mera mari Goãmɔ mera òaro árĩmasirã mari iri dorerire òaro iirã ñero iira dipuwaja opabiriboya. ²²Eropa árĩquerecũ Goãmɔ yare gojarapũgue òpa àhraa: “Masa árĩpehrerã erã ñero iira dipuwaja opama, arĩ gojara àhraa. Europa dipuwajacũrãre erã Jesucristore umupeocũ Goãmɔ òaro iigɔcumi erãre. ïgɔ Abrahãre werediro dopa ta iigɔ erãre ñero iira dipuwaja marirã ïagɔcumi.

²³Jesucristore umupeori mera masare tauburi árĩboro core gɔa Moise doreri doca árĩmũribɔ. Europa Moise dorerire iirã peresugue árĩro dopa árĩmũribɔ. Jesucristo gũare tauboro core eropa árĩmũribɔ. ²⁴Òpa sã árĩburi árĩbɔ Moise doreri: Moise doreri mera Jesucristore mari masiburi erabɔ. Mari porãre erã buherogue soro dopa ta Moise doreri marire Jesucristore masicũ iibɔ. Eropirã mari Jesucristore umupeocũ ïgɔ marire taumi. Mari ñero iira dipuwaja maricũ iimi. ²⁵Eropirã dohpaguere mari Jesucristore umupeorãre Goãmɔ “Òarã àhrima,” arĩ ìhami. Gɔa Jesucristore masirã ïgɔre umupeorã árĩrã dohpaguere Moise doreri doca árĩbeaa pare.

²⁶Mɔa sã árĩpehrerã Jesucristore umupeorã ïgɔ yarã árĩrã Goãmɔ porã àhraa. ²⁷Eropirã mɔa árĩpehrerã Jesucristore umupeorã ïgɔ wã mera wãyesunirã árĩrã Jesucristo ïgɔ iro dopa ta àhraa. Jesucristo Goãmɔ magɔ árĩro dopa ta mɔa sã Goãmɔ porã àhraa. ²⁸Eropirã árĩpehrerã Jesucristo yarã yujuro mera àhraa. Yujugɔ porã iro dopa àhraa. Eropigɔ gɔa judio masare mɔa judio masa árĩbirã sãre Goãmɔ yujuropa ta ìhami. Masa pohro majarãre erã oparã sãre yujuropa ta ìhami. Ùmare nome sãre yujuropa ta ìhami. ²⁹Eropirã mɔa Jesucristo yarã árĩrã Abrahã pãramerã sã àhraa. Eropigɔ Goãmɔ Abrahãre “Mũre òaro iigɔra,” arĩrare mɔa sãre iimi. Cristo yarã mɔa árĩcũ ïagɔ mũare òaro iigɔcumi.

4 ¹Mari iri doreri doca árĩbiriborore mari Jesu yarã árĩborore weregɔra daja. Yujugɔ majigɔ ïgɔ pagɔ yare wɔaro opapehobu árĩqueregɔ majigɔ árĩgɔ pohro majagɔ iro dopa àhrimi. Gajirã dorero doca àhrimi dohpa. ²Gajirã ïgɔ pagɔ apinirã ïgɔ ya árĩburire ìhadibuma dohpa. ïgɔ pagɔ gameranɔ árĩcũgue ïgɔ basi ïgɔ yare doremi pare. ³Ïgɔ majigɔ gajirã dorero doca ïgɔ árĩro dopa ta mari masa mari ñecɔ sũmarã árĩricũri doreri doca árĩmũribɔ. Pohro majarã iro dopa ta árĩmũribɔ. ⁴Mari eropa árĩnirãre mari Pagɔ Goãmɔ ïgɔ gameranɔ ejacũ ïgɔ magure ïgɔ pohro árĩdigure obeodigɔ árĩmi. ïgɔre obeocũ ïgɔ nomeoguere dehyoadigɔ árĩmi. Europa dehyoagɔ judio masu árĩdigɔ árĩmi Moise dorerire iigɔ. Eropigɔ Goãmɔ obeodigɔ árĩmi ïgɔ magure. ⁵Gɔa iri doreri doca árĩrãre taubure obeodigɔ árĩmi ïgɔ magure. ïgɔ marire taugɔ mari pohro majarã iro dopa árĩnirãre wiugɔ ïgɔ porã árĩcũ iimi.

⁶Eropiituhaja mɔa sã ïgɔ porã árĩcũ ïgɔ Jesucristo mera Espĩritu Santore obeomi mũare. Eropirã Espĩritu Santo marire ïgɔ itamuri mera

Goãmure mari Pagure “Ahu,” arãa mari pare. ⁷Eropirã mua Goãmũ porã ta ãhraa. Ìgu porã árirã mua ñecu sumarã doreri doca, pohro majarã iro dopa áribeaa pare. Goãmũ magũ Jesucristo wiunirã ãhraa. Mua eropãrã ìgu porã árirã Goãmũ oburire oparãca mua áripehrerire.

Pablo Galacia majarã Jesu yarãre guñaricupu

⁸Mua ero core Goãmure masibirã árirã gajirã goãmarãre umupeomuriribu. Eropirã erã pohro majarã iro dopa árimurirabu. Goãmũ gohrare umupeobirimuribu. ⁹Eropa áriquererã ta dohpaguere Goãmure masia. Goãmũpu mware ìha masimi. Ìgu eropa masiquerecũ ta duhpirã i yeba majarã erã pepirire gahmeri daja? ¿Duhpirã iribojegue mua ñecu sumarã doreri mua iidiro dopa ta muraro ta Cristo mariro dopa ta iiditari daja? ¿Eropirã duhpirã dohpaguere Moise dorerire mua iinugarã, pohro majarã iro dopa áridiari daja mua? ¹⁰Judio masa erã bosenuri iro dopa mua sã iica Goãmũ mera õadiarã. Soorinuri nucu, aberi nucu, bosenurire eropiica. Bojori nucu bosenurire õaro iica. Mua eropiiri queoro áribeaa. ¹¹Mua eropiicũ pee ñero siporãcusa yuru. Mware yu turaro buhequerecũ ta “Iri waja mariboca,” arã pepia.

¹²Eropigu yuhu mware burigã õpa arã werea. Mari Jesucristore umupeoturadiro dopa ta umupeoque daja. Yu Jesucristore umupeogu gna judio masa doreri yure taubiricũ ìha irire umupeobiribu pare. Eropirã mua sã Jesucristore umupeorã iri dorerire umupeobiricãro gahmea Goãmũ mera õaro árimorã. Yuhu mua pohro ne áricũ mua ne ñero iibiribu yure. ¹³Mua masia yuhu mua pohro ne áridirore. Yuhu Jesucristo marire tauburire ne mware buhegu e jagu dorecugu áribu. ¹⁴Yu dorecugu ñero taribu. Yu eropa dorecugu áriquererã mua yure doobiribu. Yure õaro umupeo õaro bocatiribu. Goãmũ obeodigu anyu áriro dopa yure ìabu. Yure Jesucristore iiro dopa õaro iibu. ¹⁵Yure burigã gamebu. Yure burigã gamerã yu serëropë ta áripehrerire omorã áribu yure. ¿Mua eropa áricũ dohpa wahari dohpaguere? Mua negohraguere yure mucubiridiro dopa ta dohpaguere mucubiribea. ¹⁶¿Mware diaye majare yu werera waja mua ìhaturigu wahari dohpaguere?

¹⁷Mua pohrore gajì buherire buherã mware õaro umupeocoma. Erã eropa umupeoquererã mware siporã mera mahibiricoma. Mua yure yu buheri sãre gamebiricũ gahmema erã. Mua erãpũre umupeocũ gahmema. Eropirã mware umupeocoma. ¹⁸Masare umupeocũ õapũrica. Erã weca dihta umupeocũ õabeaa. Yu áricũ dihtare umupeocũ õabeaa. Áripehrerãre yujuropa ta õari mera umupeoniguicãro gahmea. ¹⁹Mua yu porã iro dopa ãhraa. Eropigu mware guñaricua. Mware burigã guña teboricua. Yujugo porãcũbo teboricũro dopa ta yu sã teboricua mware guñagu. Igo magũ õaro dehyoacũ gamego teboricũmo. Mua Goãmũ porã õaro áricũ gamegu teboricua yu sã. Mua Jesucristo áricurire õaro opacũ gahmea. ²⁰Mua pohro burigã wadiarica. Yu mua mera árigu yu basi mware õaro weremasiboya gojaripũ gojaro mariro. Eropigu mware dohpaguere ìabigu mua Jesucristore õaro umupeoturanemoborore masibirica.

Agar Sara mera erã árirare werequeogu mari Goãmũ porã árirare werepũ Pablo

²¹ ¿Mũa Goãmũ mera õaro árimorã Moise dorerire iiniguicãdiarã mũa Moise arĩ gojarare masibeari? ²² Õpa arĩ gojañumi Moise: Abrahã porã mũa perã áriñuma. Īgu marapo pohro majago Agar waicũgo yujugũ porãcũñumo. Pũhũ Abrahã marapopũ Sara waicũgo gajigũ porãcũñumo. ²³ Īgu pohro majago magũ mari masa iro dopa ta masa dehyoañumi ĩgu. Abrahã igore porã moara pũhũ mata nijipo ãhri porãcũñumo. Īgu marapopũ mata porã bocamasibiriñumo. Eropigũ Goãmũ ĩgu arĩdiro dopa ta igore porã bocacũ iĩñumi. ²⁴⁻²⁵ Erã perã nome iribojegue eropa warare õpa buhegura mũare. Goãmũ Abrahãre wererare iirã Sara áriro dopa ãhrima. Gajirã Moise dorerire iirã Agar iiro dopa ãhrima. Agar igo porã sã gajirã dorero doca árimuriñuma. Pohro majarã árimuriñuma. Erã arĩdiro dopa ãhrima Moise dorerire iirãpũ. Eropirã Moise doreri doca árimuriã ãhrima pohro majarã iro dopa áriã. Iri dorerire iirã “Goãmũ mera õaro áriãca,” arĩmuriã. Iri dorerire Goãmũ Moiserẽ apiñumi Sinaĩ waicũdigũ utãgũgue Arabia yebague. Dohpaguere iri dorerire Jerusalẽguẽ judio masa umupeoma. Eropirã iri doreri doca ãhrima. ²⁶ Õpa ãhrima Goãmũ Abrahãre wererare iirãpũ. Erã Jesucristore umupeorã ãhrima. Sara arĩdiro dopa ãhrima. Sarapũ pohro majago áribirimuriñumo. Mari Jesucristore umupeorã “Moise doreri mera taribeaã,” arãa. Jesucristo marire taucũ Goãmũ porã áriã mama Jerusalẽn maca majarã ãhraa. ²⁷ Eropirã Jesucristore umupeorã Goãmũ porãpũ bajarã áriãcoma. Moise dorerire iirãpũ bajamerã áriãcoma. Eropa ta arĩ werea Goãmũ yare gojarapũgue:

Mũhũ ne porã opabigo, porãcũri pũririñe pepibigo õaro mucubirique.

Gajigo igo marapũ mera áriigo igo porã áriquerẽcũ igo pãramerã árituriarã bajamerã áriãcoma. Mũpũre dohparagã mũ porã mariquerẽcũ mũ pãramerã árituriarã tauro bajarã áriãcoma. Eropigo mucubirique, arĩñumi Goãmũ.

²⁸ Isaa Abrahã magũ arĩdiro dopa mari Goãmũ porã ãhraa. Isaa Abrahã magũ dehyoagu Goãmũ ĩgu werediro dopa ta dehyoañumi. Mari Goãmũ porã áriã Goãmũ ĩgu werediro dopa ta ĩgu porã ãhraa. ²⁹ Eropirã Abrahã porã perã áriñuma. Pohro majago magũ Ismael áripehrerã masa iro dopa dehyoañumi. Isaapũ ĩgu pago igo porã bocamasibiricũ Espĩritu Santo itamuri mera porãcũñumo. Erã dehyoara pũhũ Ismaepũ pohro majago magupũ Isaare Abrahã marapo magũre ĩgu ñero taricũ iimuriñumi. Īgu iidiro dopa dohpaguere eropa wahaa. Erã Moise dorerire iidorerãpũ marire ñero taricũ iima. Mari Espĩritu Santo itamuri mera Goãmũ porã ãhraa. Mari eropa áriãre marire ñero taricũ iima. ³⁰ Eropa wacũ Goãmũ yare gojarapũgue irire dohpa arĩrire buherãca. Õpa Goãmũ arĩñumi Abrahãre. “Mũ pohro majago magũ mũ oparire ne opasome, arĩñumi. Mũ marapo magũ dihta opapehogũcumi. Eropigũ mũ pohro majago igo magũ mera cóãque mũ pohrore,” arĩ wereñumi Goãmũ Abrahãre. ³¹ Eropirã, yũ acawererã, mari Goãmũ porã áriã pohro

majago magu iro dopa áríbeaa. Īgu pagu oburire opamasibiriñumi. Maripu mari Pagu Goāmũ Īgu oburire opamasirāca. Marire Īgu mera õacũ iimi.

Cristo marire Īgu taura puhru turarā árĩro gahmea marire, arĩ gojapu Pablo

5 ¹Eropigu marire mari ñecu sumarā árĩricuri dorero doca árĩnirāre Jesucristo tautuhajami. Mari ñero iira dipuwajare Jesucristo Īgu basi wajayebasami mari Goāmũ mera õaro árĩboro dopa. Eropirā mari Goāmũ porā árĩrā Jesucristore guñaturaniguicāro gahmea. Eropirā peebiricāro gahmea erā Moise dorerire iidorerāre.

²Õaro peeque yũre. Yũhu Jesucristo Īgu apidigu āhraa. Eropigu mũare õpa werea. Mũa Goāmũ mera õaro árĩmorā mũa gasiro merogā wiri aicũ Jesucristo mũare Īgu sĩribasara waja mariboya. ³Eropigu guhyadiaro mera werea daja. Goāmũ mera õaro árĩborore erā gasiro merogā wiri aĩrā Moise dorerire árĩpehrerire iiro gahmea erāre. ⁴Eropirā mũa “Goāmũ marire taugũcumi Moise dorerire iicũ,” mũa arĩdiarā, mũa Jesucristore cõarā iiboca. Mũa eropiirā Goāmũ Īgu mera õaro árĩburire mũare õaro Īgu iiburire cõarā iiboca. ⁵“Maripu Goāmũ mera õhaa,” arĩmasia Jesucristore umupeori mera, Espĩritu Santo Īgu itamuri mera. “Goāmũ guare ‘Ñero iira dipuwaja mariro õarā āhrima,’ arĩ ĩagũcumi,” arĩmasia. ⁶Eropiro gasiro merogā wiri aĩnirā árĩcũ sāre, wiri aĩbirinirā árĩcũ sāre ĩabeami. Mari Jesucristore umupeorā árĩcũ gajirāre mari mahi umupeocũ ĩhami Goāmũ.

⁷Mũa ne Jesucristore umupeorā Īgu yare õaro diaye iimũribũ. Eropirā dohpaguere mũa Jesucristo yare diaye majare õaro iibiricũ gajirā mũare cāhmotañorā. ⁸Goāmũrupũ eropa iibirimi. Īgu mũare Jesucristo yarā árĩmorāre beyegu āhrimi. ⁹Eropigu õpa werea mũare. Yujugu masũ Īgu guyarire buhenugacũ peerā masa árĩpehrerā ĩgure peerā guyarire umupeorā wahama õaripũre peediabirā. ¹⁰Īgu mũare eropa guyarire buhenugaquerecũ õpa arĩ pepia. “Erā Jesucristore umupeorire oparā erā iri guya buherire umupeosome,” arĩ pepia yũhu mũare. Mũa goroweocoregure noho árĩgure Īgu eropa iira dipuwajare Goāmũ dipuwaja moagũcumi ĩgure.

¹¹Õpa arĩ werewũañorā gajirā yũpũre: “‘Mari Goāmũ mera õaro árĩmorā mari gasiro merogā wiri aĩro gahmea,’ arĩ buhemi Pablo,” arañorā yũre. Yũhu eropa arĩ ne buhebeaa. Yũhu dohpaguere “Gasirogā wiri aĩro gahmea,” yũ arĩ buhecũ irire iidorerāpũ yũre ñero taricũ iibiriboañuma. Yũ õpa arĩ buhea: “Mari ñero iira dipuwajare Jesucristo wajayebasadi árĩmi crusague sĩrigũ. Eropirā mari Goāmũ mera õaro árĩmorā Jesucristore umupeoro gahmea,” arĩ buhea yũhu. Yũ eropa arĩ buhecũ judio masa pee guama. Yũre ñero taricũ iima. ¹²Erāpũ mũare goroweorāpũ gasiro merogā wiri aĩdorerāpũ erā basi wiri aĩpehocāporo.

¹³Mũapũre Goāmũ mũa Īgu porā árĩmorāre aĩgu mũa Moise dorerire iimorāre beyebiripũ. Mũa iri dorerire iidorebiriqerecũ mũa mũa mũaribejarire iibiricāro gahmea. Õpa iiro gahmea. Mũa árĩpehrerāre õaro

mahi umupeorã erãre itamuniguicãro gahmea. Mũa gajirãre umupeorã Moise dorerire árìpehrerire iirãca. ¹⁴Eropa ta arĩ gojara àhraa: “Mũ basi mahiro dopa ta mũ pohro àrìrãre mahique,” arĩ gojara àhraa. ¹⁵Eropirã mũa game ìhaturicũ, papũri, mũa disitĩri wereniguicũ mũa basi òaro mũa game umupeoro pehboca. Eropirã mũa basi òaro àrìro gahmea.

Masa erã gamerire iirire Espĩritu Santo ìgu gameri sãre werepũ Pablo

¹⁶⁻¹⁷Òpa arĩ werediaca mũare. Mari Jesucristo yarã árìcũ mari pepirigue òpa àhraa. Mari ñeri ùaribejari àhraa. Espĩritu Santo ìgu gameri sã àhraa. Mari ùaribejari Espĩritu Santo ìgu gameri mera yujuro mera árìbeaa. Eropiro marire masiya mariro wahaa. Eropirã mũa Espĩritu Santopũre yũhrirã mũa ùaribejaripũre iisome. Eropirã Espĩritu Santo ìgu gamerire iiniguicãque. ¹⁸Eropirã Espĩritu Santo gamerire iirã árìrã “Moise doreri mera mari tarirãca,” arĩ pepibea mũa.

¹⁹Masa erã ñeri ùaribejarire erã iicũ òaro ìhamasica mari. Òpa iima erã ùaribejarire iirã: Ùma gajirã nome mera ñero iima. Nome sã gajirã ùma mera ñero iima. Diayea iiro dopa iiricũma. Ñerire pepima. Ñerire wereniguima. ²⁰Eropirã goãmarã wéanirãre umupeorã “Mari goãmũ àhrimi,” arĩ umupeoma. Gajirãre dojama. Eropirã masare doho àhrima. Ìhaturima. Disitĩri wereniguima. Gajirãre doẽma. Mata guama. Gajirãre tarinũgadiama. Yujuro mera árìdiabeama. Yuju curu majarã gaji curu majarãre ìhaturima. ²¹Eropirã gajirãre gajinore erã opacũ ìhaturima. Gajirãre wejẽdiarã wejẽma. Merericũrã àhrima. Mererã ñerire ùaribejama. Eropa iirã gajino ñeri sãre iima. Eropigũ yũhũ mũare werediro dopa ta werea daja guhyadiaro mera. Iri ñerire iiniguigũ Goãmũ ìgu opũ árìroguere ejamasisome.

²²Espĩritu Santo yapũ òpa àhraa. Erãre òpa iirã árìcũ iimi. Árìpehrerãre mahi umupeoma. Mucubirima. Gũiro mariro àhrima. Gajirã erãre ñero ìiquerecũ erã mera guabeama. Mojomoro ìhama. Duhuro mariro Goãmũ ìgu gamerire òaro iima. Erã mohmediarire erã mohmediabiriri sãre òaro iima. ²³Eropirã nijiyajaro mera iima. Erã ñero iidiaquererã iibeama. Eropa ta iima Espĩritu Santore yũhrirã. Eropa iirãre “Eropa iibiricãque,” ne arìbeami gajigũ. ²⁴Eropirã mari Jesucristo yarã árìrã mari ñero árìdirore duhucã mari gamerire mari ùaribejarire iiniguicãbeaa. ²⁵Eropirã mari Espĩritu Santo itamuri mera iirã árìrã ìgure yũhriniguicãro gahmea.

²⁶Eropirã mari “Yũhũ gajirãre tarinũgaa,” arĩ pepibiricãrã. Eropirã gajirãre game ìhaturicũ iibiricãrã. Gajirã erã òari oparire obobiricãrã.

Mũa mera majarãre itamuque, arĩ werepũ Pablo

6 ¹Acawererã, mũa mera majagũ Jesu yagũ ìgu ñerire iicũ ìha ìgure itamuro gahmea mũa Espĩritu Santo dorerire iirãpũre. ìgu iri ñerire duhucũ òaro mera werero gahmea. Eropa itamurã mũa òaro pee masique

mua sã ñerire iiri arĩrã. ²Eropirã mua basi game itamuque árĩpehrero. Mua eropa itamurã Jesucristo doreldo dopa ta iirãca.

³Yujugu “Yũru ðarire iigu ãhraa,” arĩ pepigu, igu ðarire iibiriqueregu ðpa arĩgu igu basi guyagu iimi. ⁴Eropirã marire ðpa iiro gahmea. Mari basi mari iiricũre ðaro queõnanũrsiaro gahmea. Eropã ãara pũhrũ mari árĩricũri ðari árĩcũ ãha “Yũhu ðarire iiaa,” arĩmasia. Eropirã mari ðari árĩricũri mera mucubirimasia gajirã árĩricũre ãaro mariro. ⁵Eropigu mari árĩricũre Goãmũ beyegũcumĩ. Eropirã mari gajirã erã iiricũre ãhanũrubiricãro gahmea. Eropirã mari yujurãyeri iiripũre ãaro gahmea.

⁶Eropirã Jesucristo yare ðari buherire peerãpu erãre buherãpũre erã gamerire itamuporo árĩpehrerire ðarire.

⁷Eropirã “Goãmũ yũ ñerire iira dipuwaja dipuwaja moasome yũre,” arĩ pepi masiya mara. ðpa arĩ pepirã mua diaye arĩ pepibirica. Eropiro Goãmũre guya masiya mara. Eropirã mari dohpaguere iira waja pũhrũgue bocarãca. ⁸Eropirã mari ãaribejarire iiniguirã iri ñeri iira waja dipuwajacũrãca. Eropirã peamegue warãca. Mari Espĩritu Santo gameripũre iirã ðaro wajatarãca. Eropirã Goãmũ mera ãmũri nucũ ðaro árĩniguirãca. ⁹Eropirã mari Espĩritu Santo gamerire iiniguicãrã. Gariborebiricãrã. Goãmũ gamerinũ mari wajatarãca ðarire duhubirã. Eropirã ðarire iiniguicãro gahmea. ¹⁰Eropirã árĩpehrerisubure ðaro umupeoro gahmea árĩpehrerãre. Eropirã Jesucristore umupeorãre bũrigã mahi umupeoro gahmea yujugu porã iro dopa.

Pablo igu weretura

¹¹ãata. Yũ basi mũare gojagu pagari deyori mera gojagu iiaa. ¹²Eropigu ðpa werea mũare. Erã mũare gasiro merogã wiri aĩdorerãpu ðpa gahmema. Erã dorerire mua iicũ ãha gajirã judio masa erã mera ðaro árĩbocoma. Eropirã erãre ñero taricũ iibiribocoma daja erã Jesucristo yare umupeoquerecũ. ¹³Erã basi gasiro merogã wiri aĩquererã Moise dorerire gajire iibeama. Erã eropa iibiriquererã, mũapũre erã dorerire iidorerã mua gasiro merogã wiri aĩcũ gahmema erã. Eropã gahmema gajirã judio masare ðpa erã arĩboro dopa mucubiriri mera. “Gũa dorero mera Galacia majarã judio masa árĩbirã mari árĩricũre iiaa,” erã arĩboro dopa mũare erã dorerire iicũ gahmema. ¹⁴Yũ tamera erã eropa mucubiridiaro dopa ta ne mucubirissime. Mari Opũ Jesucristo iira mera dihta mucubiria. Igu mari ñero iira dipuwajare wajayebasadigu árĩmi crusague sirigu. Iri dihtare mucubiria. Jesucristo eropa iira mera yũhu igu taudigu arĩgu masa erã ãaribejarire guñabeaa pare. I mũmũ maja masa erã ãaribejari sã doremãsibeaa yũre. ¹⁵Eropiro gasiro merogã wiri aĩcũ, wiri aĩbiricũ sãre Goãmũ ãabeami. Masa Jesucristo mera ðari mera gohrotorã árĩcũ ãhami. ¹⁶Erã eropa gohrotonirã árĩpehrerã iri buherire Jesucristo yare yũhrirãre “Erã ðaro árĩporo,” arĩ serẽa Goãmũre. “Erãre mũ ya curu majarã gohra árĩrãre mojomoro ãaque,” arĩ serẽbasaa yũhu Goãmũre.

¹⁷Yũhu Jesucristo doreldo dopa ta iigu igu yare buherã dipuwaja gajirã yũre ñero taricũ iima. Erã eropa iira camĩ mũra ãhraa yũre yũ

dɔpɔre. Eropigu ñpa gahmea: Iripěta yare bujawerecũ iiporo Jesucristo yarãre goroweorã.

¹⁸Mũare árĩpɛhrerãre ñaro árĩcũ gahmea. Mari Opɔ Jesucristo mũare árĩpɛhrerãre ñaro iiporo. Eropɔ ta iiporo. Iripěta ãhraa.